



ნოდარ დუმბაძე

საბავშვო ლექსები

ნა ლეოა ლეოა...



საგამომცემლო სახლი „ტრიასი“



„საბაჟო ლიცენზიის საყუდელთა საყუდელი ეს
აბის უსაზღვრო უბნალოება. სინძინდუ. ეამჯიზალოება
და ეულახდილოება. ეაზაეჭული იუძოზით. ცრემლუბით.
სიცლით. ბაჟუყი ემძნობებისა და ალქმის ეულუბრუ-
ვილობით. მე ასე მეონია.“

ნოდარ დუმბაძე

ბავშვებო, ამ წიგნში თავმოყრილ საბავშვო ლექსებს ნოდარ ღუმბაძე ჯერ თავისი ქალიშვილების — მანანასა და ქეთინოსთვის, მერე კი, როცა ბაბუა გახდა, თავისი შვილიშვილების — ნოდარიკოსა და ლევანიკოსთვის წერდა. მაგრამ, ამავედროულად, თითოეულ ლექსში ყველა თქვენგანის მიმართ უსაზღვრო სიყვარული ჩააქსოვა და საჩუქრად მოგართვათ.

ნოდარ ღუმბაძე XX საუკუნის გამოჩენილი ქართველი მწერალია. მისი ნაწარმოებები ნათარგმნია თითქმის ყველა ენაზე და მსოფლიოს სამოცდარვა ქვეყანაშია გამოცემული. მისი თითოეული პერსონაჟი ერთნაირად საყვარელია როგორც ქართველი, ისე უცხოელი მკითხველისთვის.

მისი გმირები ბევრჯერ შეგხვდებიან ცხოვრების მანძილზე, რადგან იგი წერდა ყველასთვის და ყველაზე — ბავშვებზე და ბავშვებისთვის, მოზარდებზე და მოზარდებისთვის, ახალგაზრდობაზე და ახალგაზრდობისთვის, უფროსი თაობისთვის, ყველასთვის, ვისთვისაც სიკეთე, სიყვარული, სიმართლე, გულწრფელობა, ვაჟკაცობა, სამშობლოს სიყვარული და სამართლიანობა უმთავრესია ცხოვრებაში.

ნოდარ ღუმბაძე არის შოთა რუსთაველის პრემიის ლაურეატი. მის სახელს ატარებს თბილისის მოზარდ მაყურებელთა თეატრი.

ნოდარ ღუმბაძე დაკრძალულია მისივე სახელობის და მისი ინიციატივით შექმნილ ბავშვთა ქალაქში „მზიური“.

არ დახაზოს პარკეტი,
დაუმაღლე მანქანა;
არ ჩაუშვა ეზოში,
სურდო არვინ დამართოს,
დაუმაღლე ფანქრები,
ხელში დანა არ ანდო;
როცა გავალთ, კარები
გადაკეტე რაზებით,


განჯინაში ჩაკეტე
ჭიქები და ვაზები.
მეტი რა დაგიბართ,
თვით მიხვდები დანარჩენს...
ჰო, ასანთი არ ანდო,
თორემ ხანძარს გააჩენს.
— ჰოდა, ასე თუ გინდათ,
დედიკო და მამიკო:
არაფერი შეემთხვეს
ჩემს პატარა დაიკოს;
თუ გინდათ, რომ ქეთინოს
არაფერი ეტკინოს,
მე გამიშვით კინოში,
თქვენ მიხედეთ ქეთინოს.



მამალი

როცა ავად ვიყავი,
ესვი და ვყლაპე წამალი
და დედიკომ საჩუქრად
მომიყვანა მამალი.
ერთხელ ძია გვესტუმრა,
ბაბუამ თქვა: — რა ვქნათო?—


ბებიამ თქვა: — სასწრაფოდ
მამლაყინნა დავკლათო.—
ჰოდა, ეს რომ გავიგე,
მამალს ხელი დავავლე
და ბებიას უჩუმრად
კარადაში დავმაღე.
მერე იცით, რა მოხდა?
ბებომ შიშით იკვილა...
იმ სულელმა მამალმა
კარადაში იყივლა.



გოჭები

დასდევს კუდში მურია
ლანძღვითა და გინებით,
მთელი ეზო დათხარეს
პანანინა დინგებით.
გუშინ დოქი გატეხეს,
ჩაიპარნენ ყანაში,
დაერივნენ წინილებს,
მერე ჩანვნენ ტალახში.
ამისთანა რა მოხდა,

ამის ფასი რა ნახეს!
ერთი ვაშლის გულისთვის
ერთმანეთი გალახეს.
არ ისმენენ არაფერს
ამოდენა ყურებით,
ალარც თხოვნა ესმით და
ალარც საყვედურები.
თუ არ გამოსწორდებით,
წნელით გაიტკიცებით,
არ გრცხვენიათ, გოჭებო?
ლორებივით იქცევით.



ბეკეკა


გამიგონე ბეკეკა:
გეყო ხტუნვა-თამაში,
ხედავ? დამეტაკე და
ამომსვარე ტალახში.
ერთხელ თუ გაგებუტე,
ველარ გადამიბირებ,
მერე მთელი საათი
დაჯექი და იტირე.
თუგინდ ჩვენი მურიაც
შენი ცოდვით იწვოდეს,
შენ დედიკოს მონანველ
რძეს არ დავლევ, იცოდე.



ყვინჩილა


საქათმის კარებს რომ არ გიღებ,
ამისთვის მემდური, ყვინჩილა?
რა გიყო, რა ჩემი ბრალია,
მეზობლის მამალმა გიჩივლა.
მოვარდა დეზების წკარუნით,
— ამ ყმანვილს არავინ პატრონობთ?
არადა ყვირლზე ეტყობა,
ყივანახველა აქვს, ბატონო.
გამოვა, შეჯდება სარზე და
გაჰკივის საზიზღარ არიებს,
უფროსებს არ ვჩივი, ბატონო,
ყივანას გადასდებს ვარიებს.

ახლავე მომშორდეს აქედან
და თავის ეზოში ირბინოს,
არადა, მიყარეთ კაკალი,
როდესაც დავაგლეჯ ბიბილოს.
მას რალად მემდური, როდესაც
მეზობლის მამალმა გიჩივლა;
სულ მალე, სულ მალე მორჩები
და ისევ გაგიშვებ, ყვინჩილა.






ფისო

ფისუნია, ძილისგუდა,
ჩხუბის ღირსი არა ხარ?
მუდამ გძინავს, თავუნამ კი
ყველაფერი გადახრა.
არა, ფისო, ჯერ არა ვარ
შენისთანას მნახველი,
ამდენ ძილში, ჩემო კარგო,
სულ გაგიტყდა სახელი.
იცო, რა თქვეს შენზე გუშინ
თემურიმ და გოგიამ?
— ასეთ კატას, ჩვენო ნანა,
სათაგური სჯობია.



თოჯინა

მთელ დღეს ასე ატარებ
უსაქმურად, ძილშია,
გუშინ წიგნი მოგეცია,
არც კი გადაგიშლია.
დაემსგავსე დათუნას
და არა ჭამ არაფერს,
აბა, პირი გააღე
და კარაქი ჩაყლაპე!
არ მიჯერებ, თოჯინა?
ნახე, თუ არ განანო
და საღამოს, ძილის წინ,
თავი თუ არ დაგბანო!



ქიმი

მოვიდა და გაგვსინჯა
ერთად მე და ბებია,
მერე უთხრა დედიკოს:
— ბავშვი გაგცივებიათ. —
მე კი სულ არ მციოდა,
თბილად მეცვა ზემოდან,
გიზგიზებდა ბუხარი
და ძალიან მცხელოდა.
ავად სულაც არა ვარ,
ან მცივანა როდი ვარ,
ძია ექიმს ეშლება —
მე ბებია ვგონივარ!



ავადმყოფი


დღეს სულ მოწყენილი ვარ,
ხასიათი წამიხდა,
იცით, ჩემი თოჯინა
ქლიერ ავად გამიხდა.
ხმას არ იღებს სრულებით,
არც საჭმელი არ უნდა,
კუ ექიმთან გაიქცა,
რა ვქნა, რომ არ დაბრუნდა?
ყოველ წუთში ოთახში
ნუ შემოხვალ, ბებია,

მოერიდე ავადმყოფს,
იქნებ გადამღებია.
ღმერთო, ნეტავ საშიში
არაფერი არ იყოს!
აქ ნუ მოსწევ პაპიროსს,
გარეთ გადი, მამიკო!



საათი

— ტიკ-ტაკ, ტიკ-ტაკ, — იძახის
და კედელზე ჰკიდია,
დღე და ღამე ისრები
მიდიან და მიდიან...
მოვა დედა, შეხედავს:
— აბა, ჩემო ოთარი,
ცხრა საათი გამზდარა,
შენი ძილის დრო არი!—
და ყველანი მტოვებენ,
ჩემთვის არა სცალიათ.
მე რომ დედა მაძინებს,
სულ საათის ბრალია.





ვარადა

ვარადა, ბიჭო, ვარადა,
უკვე აღარ ვარ ავადა,
დედიკომ ძალით შემსავა
წამლები მთელი კარადა.
კენჭივით ბიჭი ვიზრდები
ბაბუას გასახარადა,
წოდარი მქვია სახელად,
თოფურიძე ვარ გვარადა.



კრუხი

ახლოს მისვლას არ დამაცდის,
იკივლებს და ინივლებს,
თითქოს რამეს ვუპირებდე
თავყვითელა წინილებს.
ეს რა ავი კრუხი არის,
როგორ შემომაფრინდა!
ამის შემდეგ მე მაგასთან
ლაპარაკიც არ მინდა.
შენიაო წინილები,
თუგინდ მითხრათ ასჯერაც,
სანამ კრუხს არ მომაშორებთ,
არავისი არ მჯერა.



სახლობანა

ნეტავ სად ხარ, შენს ძებნაში
მოვირბინე ეზო,
ნამო ჩვენთან, სახლობანა
ვითამაშოთ, რეზო!
რა კარგია, ჩხუბს და ცემას
ველარ გამიბედავ,
შენ იქნები ჩემი შვილი,
მე ვიქნები დედა.
მე ბაზარში გავიქცევი,
ხელს ნუ ახლებ ამას...
არაფერი დააშავო...
დაუჯერე მამას.
მაინც ჩხუბობ? მაინც მირტყამ?
ასე იცი მუდამ.
არ გრცხვენია, უსირცხვილო,
დედას ცემა უნდა?!



ნოდარიკოს სტუმარი

ზღაპარ იყო, ზღაპარ იყო,
წყალში ყინვა ჩამდგარიყო,
ღობემძვრალა ჭინჭრაქასთვის
ტყეები მოცვი გამქრალიყო,
შშიერი და გათოშილი
ფანჯარასთან მომდგარიყო
და ტირილით ეძახოდა:
— გამიღეო, ნოდარიკო! —
სხვანაირად აბა განა
შეიძლება მომხდარიყო?
ის ზამთარი ღობემძვრალა
ნოდარისთან სტუმრად იყო.
სტუმრად იყო და შიმშილით
ჩიტი რომ არ მომკვდარიყო,
დღეში სამჯერ ჩაის კოვზით
რძეს ასმევდა ნოდარიკო.



ნაძვის ხის სიმღერა

მოვალ, როცა მთა და ბარი
თეთრ ნაბადში გაეხვევა,
პატარების საოცნებო
საახალწლო ნაძვის ხე ვარ.
ჩამოვიყვან თოვლის პაპას,
მხარზე ხურჯინგადაკიდულს,
ჩამოვიტან ნამცხვარს, ქადას,
ჩურჩხელას და შაქარიყნულს.

მალხაზებო, მანანებო,
ვარსკვლავების სადარებო,
მოდით ჩემთან, საჩუქრები
დაგირიგოთ, პატარებო!
სიმღერებით ცა მთოვარი
გაათბეთ და გაადარეთ,
ეს ახალი წელიწადიც
ბედნიერად გაატარეთ!



დედიკოს ვფიცავარ

წერა-კითხვა ვისწავლე,
აი, უკვე დიდი ვარ.
არ წამიყვანთ სკოლაში?
ბაღში აღარ მივდივარ!..
თვლა ხომ ვიცი ასამდე,
თანაც ექვსი წლისა ვარ,
პატარა რომ ვიყავი,
განა ისევ ისა ვარ!
სულ ხუთეზზე ვისწავლი,
ჩემს დედიკოს ვფიცავარ!




ბურთი და ნიკორა

ბურთმა იგორა, იგორა,
მინდორი გადაიგორა,
მინდვრის ბოლოს რომ მიგორდა
ბოლოში დახვდა ნიკორა,
ნიკორამ ჰკითხა:


— ვინა ხარ?
ზღარბი, ლეკვი თუ კნუტო,
თუ მართლა რომელიმე ხარ,
რად არ გაბია კუდიო?

იქნება კაცის თავი ხარ,
მაშინ რა უყავ ქუდიო?
— ერთი საბრალო ბურთი ვარ,
გაბერილი ვარ წყენითო,
სულ სხვის ნებაზე დავბტივარ
მთელი დღე ზევით-ქვევითო,
მიშველე რამე, ნოდარმა
მომკლა ნიხლების რტყმევითო.
ნიკორას გული მოუკვდა
გალაღებული ღვნითო,
სულ მოუშუშა გვერდები,
ლოკა და ლოკა ენითო.



მელა და ქათამი

მელიამ უთხრა ქათამსო:
— რომ შეაბერდი მამალსო,
ამალამ ჩემთან წამოდი,
თვალ-მარგალიტით აგავსო.—
ქათამმა უთხრა: — მელაო,
მე შენთვის არა მცხებლაო,
სულ ერთი წუთი მაცალე,
გამოვალედიებ მურასო
და იმას ელაპარაკე,
თუ თავზე ქუდი გხურავსო.



ია

რა ყვავილს ვგავარ, თუ იცით?
კარგად შემხედეთ, აბა...
ცისფერი ქუდი მახურავს,
მაცვია ლურჯი კაბა.
ბაღში ვარ, ხელით მატარებს
ჩვენი მებღალე ძია,
თავზე პეპელა მაზის და
იცით?
მე ია მქვია.



ქალაქი და სოფელი


ჟუჟუნა წვიმა მოვიდა,
სულ დაგისველა ბაფთები,
სახლში შემოდი, ხათუნა,
შემოდი, ავად გახდები!
ჟუჟუნა წვიმა მოვიდა,
სიმინდს დაუღბო ფოჩები,
გადი წვიმაში, ირბინე,
ირბინე, ნანა, მორჩები!

ჟუჟუნა წვიმა მოვიდა,
წვიმა მოვიდა მაგარი,
სახლში შემოდი, ხათუნა,
დადნები როგორც შაქარი!
ჟუჟუნა წვიმა მოვიდა,
დააფრთხო მტრედის ხუნდები,
ნანა, გამოდი ეზოში,
გაგიკაჟდება კუნთები!
რისთვის მოსულხარ, ექიმო?
მეზობლებს რისთვის გვიფეთებ?
ნანას ექიმი რად უნდა,
წადი, ხათუნას მიხედე!

ფუტკარი

მზია, ლილი და ნანა
გატენილ სკებთან დგანან:
— ფუტკარო, აბლი, ბაბლი,
მოგვეცი ცოტა თაფლი?!
გავუყოფთ გივის, ზაზას,
თინას, მანანას, ნესტანს,
ნუ გენყინება ოლონდ
და ნუ დაგვასობ ნესტარს.

ფუტკარო, აბლი, ბაბლი,
თუ გინდა ქვეყნად მადლი,
მოგვეცი ცოტა თაფლი?!—
ხედავს ფუტკარი: სკასთან
ბავშვები პურით დგანან.
ადგა და მისცა თაფლი,
ლორმეცელაა განა!



ქეთიწო,
გამოიცანი!

გამოცანა:

მტერია სიბნელის,
მტერია წყვდიადის
ყველაზე ლამაზი,
ყველაზე თბილი,
დიადი,
ზვიადი,
ნაზი და კეთილი
იძინებს ღამით და
იღვიძებს დილით.

პასუხი:

ყველაზე ლამაზი?
ყველაზე კეთილი?
ზვიადი?
დიადი?
რა არის ნეტა?
შენ თუ მზე გგონია
არა ხარ მართალი,
ეს გახლავთ ჩემი და
მანანას დედა.

გამოცანა:

ყველაზე ძლიერი,
ყველაზე მამაცი,
ლამაზი ფაფარით,
ძლიერი ტორით,

გრუხუნა,
ბუხუნა,
სამართლის გამჩენი,
ქვეყნად რომ არა ჰყავს
ტოლი და სწორი.

პასუხი:

გრუხუნა?
ბუხუნა?
ძლიერი? მამაცი?
ნეტავი რად უნდა
მიხვედრა ამას?
შენ ლომი გგონია?
არა ხარ მართალი,
ეს გახლავთ ჩემი და
მანანას მამა.





გაზაფხულო, ლამაზო

ჩემო ჭრელო პეპლებო,
 ჩემო ლურჯო იებო,
 ჩემო ნუშის ხეებო,
 ჩემო ჩიტუნებო.
 როდის აყვავილდებით,
 ატმებო და ვაშლებო,
 ტყეში მარწყვის საკრეფად
 როდის წავალთ, ბავშვებო?
 ჰა, ზამთარი მიდის და...
 თოვლი დნება ნელ-ნელა.
 აი, თავი ამოჰყო
 ბუჩქის ძირას ენძელამ.
 სანყალ თოვლის ბაბუას
 დაუშინოთ გუნდები;
 გაზაფხულო, ლამაზო,
 მალე დაგვიბრუნდები?





საახალწლო

— ახალი წლის საღამო,
ქარი ქრის და ფიფქი ცვივა,
თოვლის საბანს რომ იხურავ,
ნაძვის ხეო, არა გცივა?

— არა მცივა, პატარებო,
მე ღიმილი თქვენი მათბობს
და გისურვებთ,
რომ თქვენს გულშიც
არასდროს არ დაიზამთროს.
ზამთარია, მაგრამ გული

არ გითბებათ ყველას განა?
ხედავთ? თოვლის ბაბუამაც
საჩუქრები მოგიტანათ.
ულრან ტყიდან მოვიჩქარი,
ისე ძლიერ შემეყვარდით,
მე მოვედი, რომ ახალი
მოგილოცოთ წელიწადი.





ლიმონათი

დედაც მიყვარს,
მამაც მიყვარს,
საჩუქრებიც მომწონს მათი,
მაგრამ ყველას მირჩევნია
ერთი ჭიქა ლიმონათი.
რამდენ წამალს ვსვამ და ვცლაპავ
მისი ეშხით, მისი ხათრით,
თქვენ არ იცით, რა კარგია
გაზიანი ლიმონათი.

სათვალე


ბები, როგორ დავიჯერო,
რომ სათვალე კარგია,
იმ დღეს ვცადე, გავიკეთე,
არაფრად არ მარგია.

ველარც ფისო დავინახე,
ველარც ჩვენი თემური,
სათვალეა ხელს რომ გიშლის,
შენ კი თვალეებს ემდური.
გახსოვს, გუშინ, საყვარელო,
მთელი დღე რომ მანვალე?
თურმე ცხვირზე გეკეთა და
მაძებნინე სათვალე.



სანყალი ბაბუა

ჩემი სანყალი ბაბუა
უწყინარია, კეთილი,
დღევდამ ჩაფიქრებული,
ოთახში გამოკეტილი.
ვთხოვ: — ბაბუ, ტყეში წავიდეთ,
დავეკრიფოთ კახაშბალია...
— ჩუმად, სულელო, ხომ ხედავ,
რომანს წერს, არა სცალია.



— ბაბუ, კუს ტბაზე წავიდეთ
ანდა კინოში წამოდი...

— აცალე, ბიჭო, ხომ ხედავ,
ხვალ მოხსენებით გამოდის.

— ჩუმად, ლექსებს წერს ბაბუა, —
ჩამჩურჩულებენ ყველანი.
ჩემთვის როდისღა მოიცლის,
ღმერთო, დაუშრე მელანი.

ფისო

ფისუნია, ფისო,
არვინ გაჭმევს ტკბილსო,
ცალი თვალი ნუშს მიგიგავს,
ცალი — მწვანე ღილსო.
დედა ამბობს: — ნუნკიაო. —
ბებო ამბობს: — მღლისო, —
ბაბუ ამბობს: — მთელი ღამე
თავი შაქარს ღრღნისო,
ეს ყურსაც არ აპარტყუნებს
თავს ვერ ართმევს ძილსო,
მაქნისია რისო,
მარტო კნუტებს ყრისო. —
ჩემზეც ასე არ ამბობენ?..
ფისო, რა გიკვირსო?!



სვტობიობრადია

დედიკო მყავს სტუდენტი,
მამა — არქიტექტორი,
ბებო — თვალის ექიმი,
ბაბუა კი — ლექტორი.
მიყვარს ბევრი ძილი და
უფრო ბევრი თამაში.

ჯერჯერობით ვერვინ მჯობს
ტირილსა და ჭამაში.
სახლი მიდგას ვერაზე,
ნომერი აქვს ნაშლილი,
თუ დაგჭირდეთ, იკითხეთ:
ლევან მაჭარაშვილი.





ჩოჩოჩი


ბაბუაჩემს წიგნები
 დაეუხიე ამ დილით,
 დამსაჯეს და მთელი დღე
 არ მაჭამეს სადილი.
 რომ ვიტყვო, დედიკომ
 დამანიწნა ქოჩოჩი,
 ბებიამ კი მიძახა
 გაუზრდელი ჩოჩოჩი.
 იმას კი არა ვტყვი,
 რომ დავფხვრინე წიგნები,
 თურმე რომ გავიზრდები
 დიდი ვირი ვიქნები.



ბებერი მწვერისა და ტრაბახა
კურდღლის განსაუბრება


კურდღელმა უთხრა: — მწვეარო!
შენ რომ დაეძებ, მე ვარო,
თუ ვაჟკაცი ხარ, მობრძანდი,
აგერ ბუჩქებში ვწვეარო. —
მწვეარმა უთხრა: — კურდღელო!

სიზმარში გნახე წუხელო,
ველარ დაგიჭერ, დავბერდი,
ვარ უფეხო და უხელო.
თუმცა არც ისე ვწუხვარო,
შენც მხიარულად ნუ ხარო,
ისეთი ლეკვი მეზრდება,
სიზმარშიც ვერ წაუხვალო!



ნემსი

ძაფს რომ ნემსში ვერ აგებს,
ბებო ბრაზობს ძალიან,
მიჯავრდება ხანდახან,
თითქოს ჩემი ბრალია.
შორიდან რომ ვუცქერი,
გული დარდით მეცხება,
დამიტანჯეს ბებიეო
საძაგელმა ნემსებმა.
გაგონილა ასეთი?
რატომ ვერა ხვდებიან...
დიდი ნემსი უყიდონ
ჩემს საყვარელ ბებიას!



შეჯიბრი

ნოდარიკოს და მაიკოს
აქვთ კამათი და დავა,
ამ ზაფხულს დასასვენებლად
ვინ სად და როდის წავა.

მაიკომ უთხრა: — ბორჯომში
წავალ ივლისის ათში. —

ნოდარმა უთხრა: — შენს ჯიბრზე
მე წავალ ლიმონათში.



მგელი, ბატკანი და მურია

ერთხელ ბატკანმა მურიას შეჰკადრა საყვედურია:

— რაა, რომ ბატკნებს მგლის შიშით

ვერ გვიჭამია პურია?! —

გაბრაზებულმა მურიამ ხელად იდია შურია,

მგლის ლეკვს,

ფარეხში შეპარულს,

ძირში მოჭამა ყურია.

მგლის ლეკვმა დედას შესჩივლა

დაკბენილმა და უყურომ:

— მურიას მამაძაღლობას

როდემდე უნდა უყურო?! —

შეშინებულმა ძუ მგელმა

ატეხა ვაი-ვიშიო,

შვილს უთხრა:

— ხომ გაგაფრთხილე,

გქონდეს ძაღლების შიშით,

ცხვრის გადამკიდე, მაგ ოხრებს,

არ უყვართ ჩვენი ჯიშით.

სხვა გზა არ არის, შვილებო,

მგლის ჯიშმა დღეის იქეთო,

უნდა გვარი და სახელი

ძაღლებად გადავიკეთო.






ხანძრობანა

ხანძრობანას თამაში
 შეიძლება თავლაში?!
 ქალბატონო ასმათი,
 დაუმალეთ ასანთი!
 ნოდარიკო თავბუა,
 ნუ აწვალე ბაბუას!
 ტყავს გაგადრობს, ყაჩაღო,
 ცეცხლი რომ გააჩაღო!






მანანა და ლალი

მანანა — ლალი, ლალი, ჩემო ლალი!
ლალი — რაო, ჩემო მანანა?
მანანა — ეს თოჯინა დედაშენმა
ჩემთან გამოგატანა?
ლალი — რასა ბრძანებ, ქალბატონო!
არ გათხოვებ არასდროს,
გინდა ისევ გააცივო,
ისევ სურდო დამართო?

მანანა — რადგან ასე მეუბნები,
რადგან ასე მაჯავრებ,
დამიბრუნე ჩემი ვაშლი,
მე რომ გუშინ გაჭამე.

ლალი — არაფერიც, არაფერიც,
არაფერსაც არ მოგცემ,
იმ ვაშლისთვის, აღარ გახსოვს,
ლოყაზე რომ გაკოცე?



მანანა — მე რომ წიგნი მოგიტანე კარგი წასაკითხავი?..

ლალი — მერე მე რომ მოგარჩინე, ექიმი რომ ვიყავი?

მანანა — ჰო-ჰო-ჰო-ჰო, დიდი საქმე, სულ არ იცი თამაში, გახსოვს, მე რომ მოგეხმარე კანფეტების ქამაში?

ლალი — მერე მე რომ შენს თოჯინას გავუკეთე ნემსები?!

მანანა — მერე მე რომ წაგიკითხე დიდი, გრძელი ლექსები?!

ლალი — როგორც ვხედავ, ქალბატონო, უმადური ბრძანდები, დაგავიწყდა, გუშინწინ რომ გამომართვი ბაფთები?


მანანა — არც თოჯინა მინდა შენი, აღარც შენი ვაშლები, ბუტე, ბუტე, გაგებუტე, აღარ გეთამაშები!



ნანა

ლურჯ ჯეჯილს ეკითხებოდა
გაოცებული ნანაო:

— ეგ კაბა ყაყაჩოებით
ვინ მოგიქარგა, ყანაო?
ერთი ის კაცი მაჩვენე,
მეც მინდა მაგისტანაო.






ბალი

მე ბალი ბალი მეგონა,
 ყვავილებით და პეპლებით,
 აქ კი რა დამხვდა? — მაგიდა,
 ნიგნი და მასწავლებელი,
 ვაშლის ფაფა და სტაფილო,

კატლეტები და სუპები,
 არა, ბატონო, ამ ბაღში
 უთუოდ დავიღუპები.
 არ მინდა თქვენი სანოლი,
 არც ეს ფაფუკი ბალიში,
 ან ნამდვილ ბაღში ნავიდეთ,
 ან არა — სახლში გამიშვით.



ზამთარი

ბიჭოს, რა თოვლი მოვიდა,
ნეტავ საიდან მოვიდა,
იმდენ ხანს დაავიანა,
აღბათ ძალიან შორიდან.
აუ, რამდენი ფიფქია,
ფიფქები ქარში მიერიან,
ასე ლამაზი თუ იყო
ზამთარი, არც მიფიქრია.
ეი, ბედურავ, მავთულზე
მობუზული რომ ზიხარო,
ჩემს აივანზე მოფრინდი,
საკენკი გადმოგიყარო,
ცოტათი გათბი, დანაყრდი
და მერე ერთად ვიხაროთ.





სამღურავი

ერთი თვეა ფისუნიას
თეფშზე კარაქს აღარ ვუღებ,
არც რძეს ვასმევ,
არც ძეხვს ვაჭმევ,
არც მასა და არც მის კნუტებს.
არ იკითხავთ, რად ვემღური?
ანდა რისთვის გავებუტე?
თუ არ იცით, მოგახსენებთ,
მომიშალეს მერცხლის ბუდე.

სტუმარ-მასპინძელი

აბა დელია-დელია,
ყვავმა იშოვა ყველია,
პატარა ლხინი მოაწყო,
მოიპატიუა მელია.
მართალი არის, მელია
ლთი და ღვინის მსმელია,
მაგრამ, რას იზამ, წესია,
მელია მეზობელია.

მელა მაგიდას მიუჯდა,
ყვავს გადახვია ხელია,
ყვავმა სასმისი აუვსო,
მიდღეგრძელო კერია.
მელამ სასმისი დაცალა,
ზედ დააყოლა კვერია,
კვერს დააყოლა ყველია
და, როცა ყველი არ ეყო,
ყვავს გამოჭამა ყველია.
ასე დამთავრდა ქეიფი,
აბა დელია-დელია.





ბიჭი, ძაღლი და გეგია

ნოდარიკო და ბემბი
 ცხოვრობენ როგორც ძმები,
 ერთი თეფშიდან თქვლეფენ.
 ერთავე ერთად ყეფენ.
 ტახტის ქვეშა აქეთ ბინა,
 ერთავეს ერთად სძინავს,
 ბიჭი მიუშვერს ლოყას,
 ძაღლი ლოკავს და ლოკავს.
 ბევრს ემუქრება ბები,
 ერთად ჯათრუფთო თმებით...
 აი ამ წუთში, ახლაც
 ერთავე ბაღში გახლავთ,
 დასდევს ბებია კუდში,
 მაგრამ ვინ აგდებს ძაღლად.



პრანჭიები


სულ ერთი ციცქნა, პანია
ბოსტანი ჰქონდა ბაჭიას,
ისე პატარა ბოსტანი,
ხან ჩიტი ჭამდა, ხან — ჭია.
იქვე ბაჭიას მეზობლად
ციყვს ჰქონდა ნაძვზე ფულურო,
შიგ ედგა ერთი ქოთანი,
ცარიელი და უყურო.

და მათ მეზობლად, ღრუბლების
იმედითა და ნუგემით,
პატარა იხვი ცხოვრობდა
გობისოდენა გუბეში.

ბაჭია გაიძახოდა:

— შრომით მასკდება ოფლიო,
სტაფილოთი და მწვანელით
მე ვამარაგებ მსოფლიოს! —
იხვი გუბიდან ყვიროდა:





— ცა თავზე ქუდად მხურავსო,
 რაც მსოფლიოში თევზია,
 სულ ჩემს გუბეში ცურავსო! —

ციყვი ისეთი ფრთხილია,
 ფულურო ჩაკეტილი აქვს,
 შიგნიდან გაიძახოდა:

— ეს ჩემი ორი კბილია,
 ისეთი ალექსრია,
 რაც მსოფლიოში თხილია,
 სულ ჩემი დაკვეცილია!
 ტრაბახში დადგა ზამთარი,
 ერთ თვესაც არ გაუვლია,

იხვსაც,
 ციყვსაც
 და ბაჭიას

შიმშილით გასძვრათ სულია.

იხვი,
 ციყვი
 და ბაჭია

სამთავე იყო პრანჭია.


ვანი დედასა!

ტყეში გაისმა კიკინი,
შეიძრა მთები სურების,
კუჭგამომხმარმა ტურებმა
გამოიფხიკეს ყურები.
სოროებიდან გამოძვრნენ,
აუბაგუნდათ გულები,
გახიედ-გამოიხედეს,
დაზვერეს გზები ურები.
უცებ წაანყდნენ ბეკეკას,
დრო აღარ იყო ყურების,
თონში ცეცხლი ჩაანთეს,
დააცხვეს დედას პურები.
მოიპატიჟეს სტუმრები,
მონადეს სავსე ჭურები.
ვაი დედასა! სად იყვნენ
ბროლიები და მურები!



დათუნია


გამარჯობა, დათუნია,
რა კარგი ხარ, ლამაზი,
ვერ მიცანი? შემოხედე,
მე ვარ, შენი თამაზი.
ყურადღებას არც კი მაქცევ,
მოდიხარ და მიდიხარ...
მეც მყავს სახლში დათუნია,
მაგრამ შენ ხომ დიდი ხარ!
არ გრცხვენია, დამიკარგე
შენი ნახვის ხალისი,
რამოდენა გაზრდილხარ და
გამარჯობა არ იცი.



ლელოს და ნიშა ხარის
ბაბასეპა

- როგორ ხარ, ხარო ნიშაო?
- ისე რა, არა მიშავო...
- შენ როგორ ხარ, ლელო?
- რა ვი... ვარ ნელა-ნელაო,
დიდებამ მამინელო:
არ მაიტეხო ფეხიო,
ჩამოსხენ საქანელო,
გოგოვ, რად დაგახველო,
მანდ გრილა, აქა ცხელო,
ეგ თხა ვინ გამონწელო,
ეგ ხე ვინ გადაბელო...

— არ დაიდარდო, ლელო,
ეგრე არა ვართ ყველო?
კარგად იყავი, ნიშაო,
ღმერთმა მზე არ გაგიშავოს,
მაგ გზებზე ფრთხილად იარე,
ეგ ქედი არ დაიშავო.



ნოდარკოს გასაჭირი

— უსმინე დეილებს,
ბიცოლებს, მამილებს,
თუ გინდა ამ ზაფხულს
სოხუმში წახვიდე,
ქსლავე სუყველას
პიწობა დაგვიდე,
ზღვაში არ შეხვიდე,
მზეზე არ გახვიდე...

— მე ხომ ყურს გიგდებდით,
ახლა თქვენც დამიგდეთ,
ან აქვე დამტოვეთ,
ან ფეხით დამკიდეთ,
ან როგორც მიყიდეთ,
ისევე გამყიდეთ.



ქურდბაცაცა ბაჭია

ამდენ მნგანე კომბოსტოს
არც ჩიტი ჭამს, არც ჭია.
ალბათ ისევ ეშმაკობს
ქურდბაცაცა ბაჭია!
მოვა, როცა ძილში ვარ
და მურიაც არა ჩანს,
მერე დაურიდებლად
მთელ კომბოსტოს გადაჭამს.
ერთხელ მაინც ეთხოვა:

„საყვარელო შაიკო,
შენი ბაღჩის კომბოსტო
გამასინჯე, დაიკო“.
მეც მივცემდი, ახლა კი
საყვედურის ღირსია:
თქვენ თვითონ თქვით, ქურდობა
განა საკადრისია?



მარჯი

გუბაზოულის ქალაში
ატყდა სტვენა და განგაში:
წუხელ სიმონას წისქვილთან
მარჯი გაბმულა ხაფანგში,
მა რა ეგონა, მაგ მსუნავს,
რომ მიძვრებოდა ყანაში.
ახლა სიმონას ბიჭები
ამოიღებენ ცხრა ტყავში.
ნახოს, როგორი ყოფილა
მენისქვილესთან თამაში.




თაგვი

თაგვი ვარ, სპილო ხომ არ ვარ,
რომ მაბრალებენ ამდენსო,
ერთ მარცვალს შევჭამ, ყვირიან:
— ვაი, ბელელი დაგვევსო,
ვერაფრით ვერ ავუდივართ,
ამ ღორმუცელა: თაგვებსო! —
და მთელი ქვეყნიერება
სათაგურებით დამდევსო.
კატის და ძაღლის არ მიკვირს,
კაცი რამ გაამგელაო,
ნეტავი მართლა სპილო მქნა,
სუყველას გადავთელავო.



ბუბა


ბებომ იმდენი მაშინა,
— მოვა და შევჭამს ბუაო, —
მე მგონი თვითონ შეშინდა
და წნევამ გააბრუაო.
ნუ გეშინია, ბებიკო,
მაგას ვასწავლი ჭკუასა
და შენი შეშინებისთვის,
მე თვითონ შევჭამ ბუასა.





ლოთი

ჭაჭანაჭამი ტახია,
 გორავდა როგორც კვახია.
 თავზე წაადგა ბეკეკა,
 უთხრა: — ღორებზე ახია!
 ტახმა ქვევიდან შესტირა:
 — მთვრალი თხა არ გინახია?
 — კი, როგორ არა, ბატონო,
 კიდევაც გამილახია!



სულიგანი

იყო ქორწილი ორისა,
შევარდნისა და ქორისა,
მოფრინდა მართვე არწივთა,
თამამად დაჯდა ყანწითა,
გვერდით მოისვა ხოხობი,
ტუჩმითხუპნული აწწლითა.
მოვიდა ბატი ბუტია,
თეთრი, ვით ბატიბუტია.
მერე მოვიდა ჩოჩორი,
შუბლზე დაყრილი ქოჩორით,
მოფრინდნენ შაშვი, კაკაბი,
რა ფარჩითა და რა კაბით.

ჩხიკვი, კოდალა, ტოროლა
და განა თითო-ოროლა...
უცებ მოვარდა მოზვერი,
სტუმრები მიჟვერ-მოჟვერა.
ვერ იქცეოდა უძრახად,
ჩოჩორს სულ ვირი უძახა.
იბლავლა: — მე ვარ ხარია! —
ქორწილი არივ-დარია.
ჩოჩორმა ერთხანს უთმინა,
მერე მოთხარა სარია,
იმდენი ურტყა ხულიგანს,
წაიღეს ცოცხალმკვდარია.



ნუგაუმი

ჩემს ბებოს ხუთი შვილი ჰყავს,
შვილიშვილი კი ერთი.

ბებია ამბობს: — ჩემს ბედში
არ უნდვია ღმერთი.

ჩემს შვილებს ღმერთი არა სწამთ?

როგორ გავჩუმდე, როგორ?

ხუთ შვილზე ერთი ბადიში

და მერე ისიც გოგო? —

— ნუ გეშინია, ბებია,

რომ გავიზრდები, მაშინ

იმდენ შვილიშვილს გიყიდი

ვერ დაატიო სახლში.

ასი სათვალე გექნება,

ჩემო ბებია ოლღა,

ასი კაბა და თავშალი,


ასი ქუდი და ქოლგა.

შენ ოღონდ კარგად იყავი,

ნუ უჯავრდები მამას,

და ჩირსაც თუ არ მოგვაკლებ,

ჩვენც არ მოგვაკლებთ ჭამას.





გაუგებარი ლექსი


ეს ლექსი დედაზეცაა,
ეს ლექსი მამაზეცაა,
თუ მინა დედამინაა,
მაშ ზეცა მამაზეცაა?
აუ, რამდენი ცებია,
ნეტავი საქმე რაშია,
შენ ხომ არ მეტყვი, ბებია,
რომ იყურები ცაშია?

— მაცალე, შვილო, ცას ვანდობ,
გულის ტკივილს და ხვაშიადს —
ვინც ამ ცას რამეს გაუგებს,
იმას დავუკრათ ტაშია!

ერთმა პატარა ბელურამ

ერთმა პატარა ბელურამ
დალენა რკინის გალია;
ასი პეპელა შეჭამა,
ორი ათასი — კალია.
ასი ათასი მუხლუხო,
მერე მოსწყურდა წყალია,
შავ ზღვას დაადო ნისკარტი,
შეისრუტა და დალია.
მერე ჩემს ფისოს ეძგერა,
დაუბრიალა თვალია.

ფისომ ირიბად გახედა,
იფიქრა, ალბათ მთვრალია,
თათი ნაარტყა კეფაში:
შენთვისო არა მცალია!
თათი რომ ნაჰკრა კეფაში,
გაქრა ბელურას კვალია,
ქარს გაატანა ბუმბული,
მე გადმომიგდო ძვალია.





გუგულის საყვადური

ჩიტებში რომ მაქიაქებთ,
მთათხავთ, ტალახს მესვრით,
ნეტა ვინ გყავთ ქვეყანაზე
ჩემზე უკეთესი?..

სხვა რომელი ჩიტი გიხმობთ
გაზაფხულზე ესე:

— ხალხო, დროზე გაიღვიძეთ,
თესეთ — კაფეთ — თესეთ!!!

მე შემარქვით პარაზიტი,
ბულბულზე წერთ ლექსებს,
ამის შემდეგ სხვებს ასწავლით
ზრდილობას და წესებს?!

ნამდვილი აბაჯი

თურმე ქათმების წყევლამა
მელის დააელამა.

საქათმის ნაცვლად საძაღლის
კარი შეალო მელამა.

იმ საძაღლეში რაც მოხდა,
აღბათ გაიგეთ ყველამა...



მამუკა

გადაიგრიბა მამუკამ
სიმინდის ფოჩის უღვაში,
თოფისნამალი ჩაყარა

თავის ხელთოფას ლულაში.

ჯოხის მერანზე გადაჯდა,
დასცხო ბუკი და ნაღარა,

ოჩანი ცხენის არ იყოს,
ტყუპად ტლინკებოც აყარა.

თავზე დაესხა ბოროლას,
აკუნა მკვავზე კვახები.

— ბიჭო მამუკა, დანყნარდი,
იცოდე, გაილახები!

არ დაიშალა მამუკამ

ხმლისა და თოფის ტრიალი,

ახლა მურიას მივარდა

ყიყინითა და ღრიალით.

მურამ უთმინა, უთმინა,

კუდიც კი გაუქცინა,

სულ მთლად რომ თავზე დააჯდა,


ბოლოს მურამაც იწყინა.

შემოახია შარვალი,

მერე ისეთი იფრინა...

შარვალჩახდილი რომ ნახა,

დანვა და ბევრი იცინა.






ქურდის ქურდი

ხათუნამ გულის კანკალით
ბებოს მოპარა კაკალი.

და როცა კაკალს პარავდა,
როცა ხურავდა კარადას,
ქილა გაუტყდა მურაბის.






და სწორედ ამ დროს ხათუნას
თავზე წაადგა ზურაბი.
ხათუნამ უთხრა: — ძამიკო,
მოდი, კაკალი გავიყოთ! —
ზურიკომ უთხრა: — დაიკო,
ეს რომ ბეზიამ გაიგოს,
ეს რომ დედიკომ გაიგოს,
ეს რომ მამიკომ გაიგოს?..

ამიტომ მთელი კაკალი
მე უნდა მომცე, დაიკო! —
ხათუნამ ხელის კანკალით
სულ ჩაუთვალა კაკალი.
მერე არ იცით, რა იყო?
ბეზიამ მაინც გაიგო.
როცა ბეზიამ გაიგო,
მერე მამამაც გაიგო,
მერე დედამაც გაიგო.
ჭორმა იარა, იარა,
სოფელი შემოიარა,
მაგრამ ხათუნა კი არა,
ქურდი კაკლის და მურაბის
მაგრად მიტყვიპეს ზურაბი.

ქეთინოს გაფთეხი

გადაიფრინეს პეპლებმა
ათასფერადი ტრამალი,
უხვად მიირთვეს ნექტარი,
ვით უკვდავების წამალი.
დაკოცნეს ვარდი, ყაყაჩო,
ია, ლილილო, ენძელა,
ცის დასალიერს მიადგნენ,
დაღლილებს ფრენა ეძნელათ.






უცხო ყვავილზე ჩამოსხდნენ
თვალი მოლულეს ნამითა,
უცებ ნამოდგა ყვავილი,
ყვავილი უცებ წავიდა.
პეპელამ უთხრა პეპელას:
— რა გვემართება, ნეტაო,
მოსიარულე ყვავილებს
თვალით პირველად ვხედავო. —
მაშინ ყვავილმა შეჰკადრა:
— რამ შეგაშინათ ნეტაო,
ქეთინო მქვია სახელად,
რა ვქნა, მასხედით ზედაო,
მინდვრად ბაფთები დავკარგე,
საუბედუროდ ჩემდაო,
რომ მიმატოვით, პეპლებო,
შინ არ შემიშვებს დედაო. —
ვერ გაუნბილეს პეპლებმა
თხოვნა და გულისნადები,
ახლა არაეინ არ დადის
ქეთოსნაირი ბაფთებით.

სარფელი მეთევზე
ბავშვების სიმღერა

აიდა, აიდა,
გაცურე, ბაიდა,
გამოდი, კეფალო,
გამოდი, სტავრიდა!

აიდა, აიდა,
მოუსვი, ბაიდა,
დელფინი მოვარდა,
ნეტავი ზაიდან?..

სტავრიდას გაიტანს,
კეფალსაც გაიტანს,



ბადეს და ბაიდას
გაიტანს ლაზისტანს.
ამ ბადეს დავტოვებთ,
ტალღებზე ეფინოს,
ოღონდ შენ მოგვეშვი,
კეთილო დელფინო.
რა მოხდა ასეთი,
ეს ზღვა რომ გაცალე;
სულ შენი არ არის?
ცოტა ჩვენც გვაცალე!
დღეს არა გვცალია,
ხვალ გეთამაშებით,
დილიდან ვთევზაობთ
სარფელი ბავშვები.
დღეს თევზის ნასახიც
აღგაგვიყიდა,
გვაცალე, გავყიდით
სტავრიდას, მიდიას.

ტალღები მოდიან,
ტალღები მიდიან,
შენ სხვაგან ითევზე,
შავი ზღვა დიდია.
მობრუნდი, ბაიდა,
მზე ზღვაში ჩავიდა.
დელფინი ნაჯიდა,
აიდა, აიდა!


მღერინან თუშის
პიჭევი

მიტანტალევენ ბილიკზე
თუშის პატარა ბიჭები,
ფეხში ესობათ ეკლები,
ფეხში ესობათ ხიჭვები.
მიდიან, მიიმღერინან,
მთები უწყობენ ხმასაო:





„თუში ვარ, მაგრამ კარგი ვარ,
 კიდეც ვჯობივარ სხვასაო...
 არ მივატოვებ არასდროს
 მთაში გარეკილ ცხვარსაო.
 არ გავაცივებთ ლადარსა,
 არ გამოვკეტავთ კარსაო,
 ომალოს, დიკლოს, შენაქოს
 არ დაფუტოვებთ სხვასაო“.
 ნიამორები გადმოდგნენ
 გადმოუფინენ მთებსაო.
 მდინარეები გადმოსკდნენ,
 კლდემ კლდეზე დაიკვნესაო.
 ირემმა ირემს გასძახა:
 ბაღლებმა ეს რა თქვესაო!
 ნეტაი ჩვენსა მამულსა!
 ნეტაი დედათქვენსაო!




ბაყაყისა და ქეთიოს
ბასაშობრეპა

გაბერილი და ამაყი
წყალში ყიყინებს ბაყაყი.

ქეთიო: ცურვა რომ იცი, ბაყაყო,
ყვინთვა რომ იცი, ბაყაყო,
იმითი ხომ არ ამაყობ?!
აბა, ნაპირზე ამოდი,

ბაყაყი: ცურვა და ყვინთვა რომ ვიცი,
სწორედ იმიტომ ვყიყინებ,
გაბედე, წყალში ჩამოდი,
სულ დაგანინკნი კიკინებს!





ი ა ვ ნ ა ნ ა

ბულბული ვარდის კოკორზე
 მღეროდა იავნანასო,
 კატამ თქვა: — მივეპარები
 და გადავსანსლავ ამასო. —
 ამის გამგონე ბულბულსა
 ნისკარტში ჩაეცინაო,
 ხმას აუნია და კატას
 მკვდარივით ჩაეძინაო.



ქატინოს ვედრება
მზისადმი



მზეო, დაბრუნდი, დაბრუნდი,
ნუ ჩაეშვები ზღვაში.

ზღვას ცეცხლი ნაეკიდება,
ჩემი მამა ზის ნავში.

იმას რომ რამე შეემთხვეს,
რა მეშველება მაშინ?!

მზეო, დაბრუნდი, დაბრუნდი,
არც შე დავრჩები ვალში,
დილით რომ ამობრძანდები,
შეგეგებები ტაშით.



სილამაზე


არა შრომით და გარჯითა,
როგორც პატარა ნარჩიტა,
ფარშევანგი და ხოხობი
თავს იწონებენ ფარჩიტა...
ეზოში წარამარაო
კუდს შლიან როგორც მარაოს,
ამბობენ: — ჩვენგან, ბატონო,
ეს სილამაზეც კმარაო.



შეჯიბრება სალორიის
ტყეში

კვირიკობ-მარიობის თვეში
სალორიის ულრან ტყეში
ნადირთ შორის გაიმართა
პირველობა ჭამა-სმაში.
იმ შეჯიბრზე თავად გახლდით,
თქვენი ტოლი ვიყავ მაშინ.
დაახვავეს სალაფავი,
სასმელი და საყლაპავი,
მოაქვთ გოდრით,
მოაქვთ ურმით:
ყველი,
პური,
ხაჭაპური,


თაფლი — კასრით,
ლენო — ჭურით,
ვაშლი,
მსხალი,
ხეჭეჭური,
გოგრა,
ნესვი,
კარტოფილი,
ნაბლი
გობზე დანყობილი.
გამოვიდნენ ფალავნები
ზოგი ძალით,
ზოგი ნებით,
გადმოთელეს სტადიონი,
გადმოთელეს გაზონები,
და ლორები ვიდრე გვერდზე



ვირებს მუცლებს აზომებდნენ,
 უცებ ჩართეს ნამმზომები.
 ერთი, ორი,
 ერთი, ორი,
 თავს დააცხრა საჭმელს ქორი.
 რომ გავარდა უცებ ყვავი,
 ყვავი სვავის ნათესავი,
 ყვავს ფეხდაფეხ მიჰყვა სვავი,
 დათვმა კასრში ჩარგო თავი.
 განაბული ყველა ელის,
 გაიმარჯვებს შმაგი მგელი.
 მაგრამ, ვაგლახ,
 შეცდა ყველა,


მგელს გაუსწრო ნამით მელამ.
 ტურამ დანთქა ყველა ჭური,
 ბაჭიები მოკვდნენ შურით.
 ვაშლის ხარბი
 დარბის ზღარბი,
 თავის არჩივს
 ეძებს მაჩვი.
 ერთი, ორი,
 ერთი, ორი,
 ძლივს მოგლიჯეს საჭმელს
 ჯორი.
 ვირს დაადგა გასაჭირი,
 — მიშველეთო, — ყვირის ვირი.
 ვერ აჯობებს ვერვინ, ვერა,
 საჭმელს ძერა
 დაეძგერა.

სტადიონზე გრგვინავს ტაში,



ცენს გაუსკდა ქამით ფაშვი.
გაბერილი უმი ნიყვით
გაათრიეს გვერდზე ციყვი.
თხა ძროხას და ირემს შველის,
გულნასული გაჰყავთ შველი.
გაუზრდელი, ბრიყვი, ანცი
არვის აცლის
შავი ვაცი,
იციინის და წვერს ივარცხნის,
აბა, განი,
აბა, განი,
გაჰყავთ ვაცი
ხულიგანი.
ერთი, ორი,
ერთი, ორი,

გაინაბა სტადიონი.
ურუნტელი უვლის ტანში.
აბა, ტაში,
ჩქარი ტაში,
მეცხრე კასრი მიაქვს ყბაში.
გამარჯვების დასცხეთ მარში,
ერთი, ორი,
არ ჰყავს სწორი,
ჩემპიონი გახდა ლორი.
ასე ყველა ნადირს გზებში
მოუჭრა და მოუცელა
და იმ დღიდან დაანესეს
ეს ტიტულიც — ღორმუცელა.




კვიცი

იყო ერთი კვიცი,
ყორნისფერი კვიცი,
ეშმაკი და მკვირცხლი,
ოჩანი და ფიცხი,
დედის ურჩი კვიცი.
ალბათ, ყველამ იცის,
ერთხელ მკვირცხლი კვიცი
მოჰყვა თავის ქიცინს,
უკითხავად დედის
მიატოვა თავლა,
მოინდომა გავლა,

გადირბინა ველი
მოლერებულ ყელით
და მდინარის პირას,
შიმშილისგან ხელი,
შეეფეთა მგელი.
მგელს ცრემლით და ფიცით
გულს მოუღობოხ კვიცი?..
ჰოდა, ყველას, ყველას,
თაგუნას და მელას,
ბაჭიაა იგი,
თუ ნუკრია შველის,
ვინც არ უსმენს მშობლებს,
განსაცდელი ელის.


იყო ერთი კვიცი...
მეტი აღარ ვიცი.



იხვი და მამალი

ვიტი, ვიტი,
ჩემზე დიდი
მოცურავე ვინ არი,
ვის ამშვენებს ულვამი,
გამეჯიბროს ცურვამი.
ზურგზე ლურჯი ზოლი გამდევს,
ჩემპიონის კანტია,
იხვთა მოდგმა ვასახელე,
მეძახიან „კვატიას“.


და დედლების ამალით
იქვე გაჩნდა მამალი.
უკან არ დაიხია,
ტანზე შემოიხია.
მაგ დაფხვილ ტრაბახას
მივალ, ყელში ვეცემი,
დაახალეთ, დედლებო,
თქვენი ლაყე კვერცხები.
ისე მაგრად გავცურო,
ისე მაგრად ვიყვილო,
მაგას თუ არ ვაჯობო,
დე, გამიხმეს ბიბილო!
გადატევა მორევში,
ცა ყივილით გახლა,
და იმ დღიდან მამალი
დედლებს არ უნახია.





მანონი

ლევანიკომ და ნოდარმა
 გატეხეს ჩაიდანია,
 ბებო ვაგიუდა, სალამოს
 ჩაი რომ ველარ დალია.
 ლევანმა გადუჩურჩულა
 ნოდარს, მის გვერდით დანოლილს:
 — ჩვენ რომ გვაძალებს ძილის წინ,
 ახლა თვითონ სვას მანონი.



დათუნის მოსაწვევი
პარატი

სათაფლიას უსიერში
ყველას, ყველას გელით,
ხვალ ჯვარს იწერს ჩემი ბიჭი,
საბმაცო ბელი.
ფიტუნარში მაქვს გამართული
მამული და სახლი,



საესე პანტიტ, კურკანტელიტ,
ნაბლიტა და თაფლიტ.
ქორნილი მაქეს არნახული,
სმით და ჭამით დაგლლიტ,
ოლონდ არ ნამოიყვანოტ
მონადირე ძალლი,
ოლონდ არ ნამოიყვანოტ
ტყეუმი სტუმრად ფუტკარი,
და თუ მოვა, ის ნესტარი
შინ დატოვოს, უთხარიტ.
ოლონდ არ ნამოიყვანოტ

მონადირე სოფლის,
და თუ მაინც არ დაიშლის,
შინ დატოვოს თოფი.
თქვენი კარგად ყოფნის მეტი
არაფერი მინდა,
ერთხელ მაინც ვიქეიფოტ
უჩხუბრად და მშვიდად.
ჩემს სასახლეს უღრან ტყეუმი
არ აწვიმს და ათოვს,
თუ მენვევით, გამახარებოტ!
მარად თქვენი დაოტ.



არწივის ბრძანება №1


სულით, ხორციით და ბუმბულით
პოეტი იყო ბულბული.

გადაეკიდა წეროო,
ლექსი მე უნდა ვწეროო.

ეს რომ გაიგო ვარდმაო,
გადაიყოლა დარდმაო.

ეს რომ შეიტყო არწივმა,
თვალთაგან რისხვა აწვიმა,

ბრძანა: — მომგვარეთ სულელი,
ვარდს დაუბრუნოს სურნელი,
თან გადაეცით წეროსა,
არც წეროს, არც იმღეროსა,
თორემ ფრთასა და ბუმბულსა
გავაცლი ღერო-ღეროსა,
წერომ ბაყაყებს მიხედოს,
ლექსი ბულბულმა წეროსა.





გაზაფხული

ღამეა, ცაში ომია,
 ელვა ქვემეხებს ისვრის,
 ქარმა ღრუბელი დაგლიჯა,
 ადინა თეთრი სისხლი.
 წვიმა თქრიალით მოვარდა,
 ტყე დაიბურა ნისლით.
 დილით მზე ამოჩახჩახდა,
 გადაიბარდნა ნუში,
 რალაცამ გამოიღვიძა,
 გაითამაშა გულში,
 ბებიაშ უთხრა ბაბუას:
 — გაზაფხულდაო გუშინ.

მანანას წერილი

ჩემო კარგო მედიკო,
ჩემო კარგო დაია,
გეფიცები თოჯინას,
მომენატრე ძალიან.
მომენატრა სოფელი,
ბაბუა და ბებია,
ალბათ ახლა სხედან და
ისევ მზეზე თბებიან.

მენატრება ძალიან
დედაშენის ნამცხვარი
და ოტია ბაბუას
მოყოლილი ზღაპარი.
ეთერი და თამაზი
სკოლაში თუ დადიან?
ჩვენს უკუდო მურიას
კუდი ხომ არ გაზრდია?
ჩვენი ფისო რას შვრება,
მუდამ რძე რომ უდგია,
ბებომ წეკებლა. რა უყო,
ხომ არ გადაუდგია?
ნანას ჩემი წიგნები
ხომ არ დაუხვეია?



ჩემი თუთა უჩემოდ
 ხომ არ დაურხევიათ?
 შენს თოჯინას ისევ ის
 ჭრელი კაბა აცვია?
 ქორს ყვითელი წინილა
 ხომ არ გაუტაცია?
 ჩემი კაბა ბოჩოლას
 ხომ არ დაუღეჭია?
 ბებოს ჩემი ბეკეკა
 ხომ არ გაუკრეჭია?
 ისევ თქვენთან, სოფელში,
 ნეტავ როდის ვიქნები!
 ალბათ ველარ მიცნობენ
 გოჭებზე და თიუნები.

მე წელს ველარ ჩამოვალ,
 საყვარელო მედიკო,
 გამოგიშვას თბილისში,
 შეეხვეწე დედიკოს.
 ჩემო კარგო მედიკო,
 ჩემო ტკბილო დაია,
 რა იქნება, ჩამოდი,
 მომენატრე ძალიან.



აქ ისეთი ბალი გვაქვს!..
 დიდი, ცამდე ანვდილი,
 რა საბავშვო ბალია,
 სასახლეა ნამდვილი.
 დაბლა, პირველ სართულზე,
 ჩვენი დიდი კლასია,
 სათამაშო ოთახი
 თოჯინებით სავსეა.
 ყველგან სისუფთავეა,
 ყველგან თადარიგია,
 აივანზე, ფანჯრებთან,
 სანოლები გვიდგია.
 ძილი გიყვარს? ვინ გიშლის,
 დაწეკი და იძინე!
 თამაში გსურს?—ეზო გვაქვს,
 დადეკი და ირბინე!
 ბაღში კიდევ ბალია,

ყურძნებით და ვაშლებით,
 გეფიცები დედიკოს,
 თვითონ ჩვენ ვკრეფთ, ბავშვები.
 ბოსტანიც გვაქვს ლამაზი
 და ყოველთვის, ჭამის დროს,
 ვჭამთ ჩვენსავე ბოსტანში
 მოსულ კიტრს და პამიდორს.
 ეზო, ბალი, ბოსტანი,
 ყველაფერი ჩვენია,
 ბაღს მურია დარაჯობს,
 სულ არ არის კბენია.
 რაც არ უნდა აბრაზო,
 გინდა ცემე, გალახე,
 ცოტას გაგიჯავრდება,
 ნინა კბილებს განახვებს.






**

რა საბავშვო ბაღია!
 რა ლამაზად ნაგები!
 კარგი მასწავლებლები,
 კარგი ამხანაგები:
 გელა, გია, თემური,
 ხათუნა და რამაზი,
 დოდო, დალი, ქეთინო,
 ჯემალი და თამაზი...
 გელა კარგი ბიჭია,
 მაგრამ ცოტა ტრაბახა.
 სულ მაშინებს: — მანანა,
 ცალი ხელით გაგლახავ! —
 ხან ნაწნავენს მომქაჩავს
 „აჩუ, აჩუს“ ძახილით,
 ხან თამაშიც არ უნდა,
 იღრინება ძალღივით.

როცა ყვევილს დავხატავ,
 მოვა, ფანქრით ვადაშლის,
 გუშინ ჩემი დაუნა
 ამოსვარა ტალახში.
 მისი შიშით თოჯინას
 ვერ ვაძინებ აკვანში,
 შემაძულა ბიჭებთან
 სახლობანას თამაში.
 გოგოების საქმეში
 ნეტავ რისთვის ერევა?
 აბა, ბიჭი რომ ვიყო,
 მაშინ თუ მომერევა!



**
 შენ არ იცნობ ნათიას,
 თხუპნიას და ალქაჯას?
 ნუნუ მასწავლებელმა
 ო, რამდენჯერ დასაჯა...
 როცა გვძინავს სუყველას,
 მაშინ ხტის და ღლიღნებს,
 როცა ვმღერით, ნათია
 სწორედ მაშინ იძინებს.

ხან სულ ტირის — არ მშია...
 ხან სულ ტირის — მშიაო.
 ვაშლზე ამბობს — მსხალია,
 მსხალზე ამბობს — ბიაო.
 ხან სკამზე დგას ფეხებით,
 ხან მაგიდას აწვალავს,
 და თუ რამე გაუტყდა,
 სულ გოგოებს გვაბრალავს.
 როცა სჯიან, ზღუქუნებს,
 უსივდება თვალები:
 — ნუნუ მასწავლებლო,
 თქვენ კი გენაცვალავით,

აი, მაშინ დამსაჯეთ,
 თუ ვიცელქო მეორედ,
 გეფიცებით თოჯინას,
 აღარ გაზვიმეორებ.
 და მიცემულ პირობას
 უცებ გადავიწყებ.
 ეჰ, იმ საწყალ თოჯინას
 სულ ტყუილზე იფიცებს.





ქს



ქს

**

ჩვენს ჯგუფელებს, მედიკო,
 ყველას უყვარს თემური,
 გეფიცებით, მეც მიყვარს,
 მაგრამ მაინც ვემდური.
 დიდი მოყვარულია
 ვაშლის, ატმის, ალუბლის,
 მაგრამ არც ბალს, არც ბოსტანს
 არასოდეს არ უვლის.
 მოუვლელმა ბოსტანმა
 როგორ მოგვცეს ნაყოფი?
 ერთხელ მაინც მორწყავდეს
 სტაფილოს ან კარტოფილს.
 ჰოდა, ჩემო მედიკო,
 გამამტყუნე ამაში,



გაგონილა მთელი დღე
 ომობანას თამაში?
 თოფს მიმიზნებს, მიყვირის:
 — ფეხზე რატომ დადიხარ?
 ბახ, ბუხ, ბახ, ბუხ, მოგარტყი,
 ნაიქეცი, მკვდარი ხარ.
 აბა, შემომეცალეთ,
 გმირი ვარ და მამაცი... —
 მაგრამ გმირი კი არა,
 არის დიდი ზარმაცი.



ქს



ქს



97



დოდოს იცნობ, პრანჭიას?
არ იკარებს არავის,
თანაც მატყუარაა,
რა მაქვს დასაფარავი!
ვინმე თუ გაეხუმრა,
ანდა რამე შებედა,
ნამსვე ნაცუნცულდება
ნუნუ მასწავლებლთან:
— ნუნუ მასწავლებლო,
ლიამ წყალი დაღვარა;
გიამ თხილის ნაჭუჭი
პირსაბანში ჩაყარა.
ნუნუ მასწავლებლო,
იცით, რა ქნა ნათიამ?
სათამაშო ბაჭია
ცალი ფეხით ათრია.
ნუნუ მასწავლებლო,
ენას მიყოფს მანანა!
გიგიმ, მასწავლებლო,
დაამტვრია მანქანა! —
ალბათ უნდა მთელი დღე
ვისხდეთ განაბულები,
მაგის შიშით, მედიკო,
ვერ ვეშმაკობთ სრულებით.



ჩემზე აბა რა გითხრა,
 შენც კი იცი, დაიკო,
 „ოქროს გოგოს“ მეძახის
 დედიკოც და მამიკოც.
 — მუსიკა და სიმღერა
 ეხერხება თავიდან,
 ნიჭიერი ბავშვია, —
 ასე ამბობს მამიდა.
 ოღონდ რამე ვინატრო,
 მამა ხელად გააჩენს,
 მართო ბებო ბაბაღუ
 უჯავრდება მამაჩემს.


— ხვეწნად ნუ გადიქვით,
 ჭამოს ბავშვმა თავისით,
 ღმერთო, ამას რას ვხედავ,
 ბარემ თავზე დაისვით. —
 ალბათ მიტომ ბრანდება
 ჩემზე ბებო ბაბაღუ,
 მურაბას რომ ვიპარავ,
 მუდამ მაგას ვაბრალებ.
 ისე სულაც არა ვარ
 უზრდელი და უხეში,
 მერე რა, თუ ხანდახან
 წემით ვდგები კუთხეში!



**


პირველად რომ მივედით
ბაღში მე და დედიკო,
ვაი, როგორ ვიტირე,
რომ იცოდე, მედიკო.
ნუნუ მასწავლებელმა
ჯერ ჩამისვა კალთაში,
მერე დამალობანას
ნამოვიწყეთ თამაში:
— ენკი, ბენკი, სიკლისა,
ენკი, ბენკი, და...
ნუნუ მასწავლებელი
გა-ვი-და...


ენკი, ბენკი, სიკლისა,
ენკი, ბენკი, და...
საყვარელი დედიკოც
გა-ვი-და...
მე თვალები დავხუჭე,
ეს იყო და ეს იყო,
როცა თვალი გავაღე,
ალარ იყო დედიკო...
ჯერ ვიტირე, ვიტირე,
მერე ბევრი ვიციინე,
როცა გული ვიჯერე,
დავნექი და ვიძინე.
დედას ალარ მივტირი
უკვე დიდბ ხანია,
ნუნუ მასწავლებელთან
ისე მიმიხარია!..
რამდენ თამაშს გვასწავლის,
ლექსებსა და სიმღერებს,
ხან კუთხეში გვაყენებს,
ხანაც ნეკებებს გვიღერებს.
ხან თაფლივით ტკბილია,
მაგრამ, შენ გენაცვალე,
ხან ისეთი ავია,
ბებოსავით მანვალებს.



— ძალღთან ახლოს ნუ მიხვალ!
 ხელით რატომ ეხები?
 — აბა, თითი პირიდან!
 — გააჩერე ფეხები!
 — სხვის პირსახოცს ნუ ხმარობ!
 — ნახე შენი ალაგი!
 — ხორცი რატომ დატოვე!
 — გაათავე კარაქი!
 — არ იჩხუბოთ, ბავშვებო! —
 ზის და თვალს არ გვაცილებს.
 როცა არ გვეძინება,
 სწორედ მაშინ გვაძინებს.
 რა ძნელია ამდენის
 მოთმენა და ატანა,

გაგონილა ყოველდღე
 საპნით პირის დაბანა?
 მაგრამ მაგას არ ვამბობ,
 ჯაერიც არ მაქვს მაგისი,
 შეიძლება ყოველდღე
 კბილის ხეხვა ჯაგრისით?
 ნინო გამგე, ექიმი,
 ნუნუ მასწავლებელი,
 მზარეული, მებაღე,
 კლასის დამლაგებელი:
 — გაიხეხეთ, ბავშვებო! —
 ერთად გვეჩხუბებიან...
 რა კარგია, კბილები
 რომ არა აქვს ბებიას.
 ხომ ასეთი ქალია,
 მაინც გვიყვარს ძალიან,
 გაჯავრება რომ იცის,
 ალბათ ჩვენი ბრალია.






**

კინო, ცირკი, თეატრი
 ალბათ გაგიგონია,
 იქაც ხშირად ებრძანდებით,
 სულ ბალში ვართ გგონია?
 დაგვანყობენ წყვილ-წყვილად,
 საბავშვო ბაღს გავცდებით
 და მივდივართ ქუჩაში,
 როგორც ჯარისკაცები.
 ყველა გადასასვლელზე
 მწვანე შუქი ენთება,
 ჩვენ რომ გავალთ ქალაქში,
 მოძრაობა ჩერდება.
 ძია მილიციელი

ჯოხს აუნწევს მანქანებს,
 ამის შემდეგ მანქანებს
 ვერაფერს გააქანებს.
 მერე განა ცოტანი,
 თითქმის ოცდაათნი ვართ,
 ჩვენ ტრამვით ყოველთვის
 უბილეთოდ დავდივართ.
 ასე ხშირად ვსეირნობთ,
 პატარები ქალაქში
 და თეატრში ვერთობით
 თოჯინების თამაშით.






ერთხელ კინო გვაჩვენეს,
გავიგუდე სიცილით,
ერთ ოთახში ცხოვრობდნენ
მელია და წინილი.



იმ დღეს კიდევ კინოში
იცი, რა გამიკვირდა?
თაგუნია ფისოსთან
სახლში სტუმრად მივიდა.



ზღარბმა სნეულ ბაჭიას
გაუკეთა ნემსები,
ჩხიკვმა ციყვს და კოდალას
წაუკითხა ლექსები.



მერე ერთმა დათუნამ
მხარზე შეშა გაიწყო
და ნამდვილი კაცივით
ლაპარაკი დაიწყო.

ასე ლაპარაკობდნენ
ძალიც, ტურაც, მგლებიცა,
მერე... მერე არ მახსოვს...
გვიან გამომეღვიძა.






„მუშტაიდი“ გინახავს?
 არა? — შენზე ახია,
 არც კი იცი, რა ვარგი,
 რა ლამაზი ბალია.
 ჩვენი მატარებელი
 ნუთუ არ გაგიგია?
 ბილეთებზე ყოველთვის
 ისე დიდი რიგია...
 ნითელქუდა მორიგე
 დადის, წესრიგს ამყარებს,
 ხან ცელქ მგზავრებს უწყრება,
 ხან მეისრეს აბარებს:
 — შეამონმე ხაზები!
 — წესრიგშია ბაქანი?
 — თქვენ ვინ გნებავთ?
 უფროსი?

ნამობრძანდით, აქ არის. —
 უფროსთან რომ ყველანი
 მონინებით მიდიან,
 შენ გვონია, ძიაა?
 ჩვენზე ცოტა დიდია.
 არაფერი სჯობია,
 ვფიცავ, ამის ყურებას,
 მთელ გზას პიონერების
 რაზმი ემსახურება.
 ჰა, გავედით ბაქანზე
 და ვავონთან მივედით,
 ერთმა ციცქნა გოგონამ
 გამისინჯა ბილეთი.



ორთქლმავალი მზად არის,
ყვირის, ქშინავს, ცაბცაბებს,
და სადგურის რადიო
რიხიანად აცხადებს:
— ჩვენი მატარებელი...
პლატფორმაზე გავიდა,

დაიძვრება ერთ ნუთში
პირველ ლიანდაგიდან. —
ჩქარობს ხალხი, მიათრევს
სკივრებსა და ლოგინებს.
— ამხანაგო მგზავრებო,
გაუფრთხილდით თოჯინებს! —
დაუსტვინა მორიგემ...



ხვევნა, კოცნა, ალერსი!..

აირია ბაქანი,

არაფერი არ გვესმის.

— დამიკოცნე ჩვენები...

— გადაეცე ბარათი...

— მოინერე...

— მშვიდობით...

— მოგვიგონე...

— ნახვამდის

მიჰქრის მატარებელი,
მიგვაქროლებს პატარებს;

ჩვენო მატარებლო,
გვატარე და გვატარე!
ჩუქ, ჩუქ, ჩუქ, ჩუქ,


მივფრინავთ,


გუგუნებენ ბორბლები:

— მოემზადეთ, მგზავრებო!

— ჩამობრძანდით!

— მოვედეთ!





ზოოპარკშიც დავდივართ,
ტყის ცხოველებს ვეცნობით,
მაიმუნებს ვაბრაზებთ,
ვიცინით და ვერთობით.
მაიმუნი პრანჭია,
სანე დაუმანჭია,
დარბის, დარბის, ქაქანებს,
საქანელას აქანებს;

რასაც მისცემ, აფუჭებს,
გვესვრის თხილის ნაჭუჭებს;
რა სუფთაა, რა სუფთა?!
თავზე იყრის ნასუფრალს.
ქცევა აუტანელი,
ხელპირდაუბანელი,
ბაძია და ნუნია,
მართლაც მაიმუნია:
რომ არ ვამბობ არაფერს,
შენ გგონია არა მწყისნ?
დედბუკო რომ ხანდახან
მაიმუნოს მეძახის!




სოფელში რომ ბევრია,
აქაცა ჰყავთ მელია,
შენ კი იცი, მელია,
რარიგ საძაგელია.
ო, რამდენი დედლის და
მამლის სისხლი დალია!..
აქ ამ ქათმის ქურდებით
სავსე არის გალია.
გახსოვს, ჩიტი ჩიორას
ტირილი და გოდება?
სულ ცრემლები მახრჩობენ,
როცა მომავონდება.
აქ თავს იკატუნებენ,
არ არიან მადაზე,
ზოოპარკის გალია
ახი არის მაგათზე.



**
სპილო ხომ გაგივია?
მთაზე უფრო დიდია,
ცხვირის ნაცვლად, მედიკო,
წინ ხორთუმი ჰკიდია.
ვაშლი, პური, შაქარი
იმით მიაქვს ხახაში,
უყვარს ჩვენი ყურება,
სიცილი და თამაში.
ერთხელ სულაც არ შერცხვა,
არც კი მოიბოდიშა
და ხორთუმით სუყველას
თავზე წყალი მოგვიშვა.

დაგვასველა, გაგვწუნა,
წაგვამწარა სტუმრობა,
გეფიცები, ხანდახან,
სულ არ იცის ხუმრობა.
ისე მუდამ წყნარია,
დინჯია და მშვიდია,
მიყიდიდა მამიკო,
მაგრამ ძლიერ დიდია.








**
 იქით მთელი მხეცების
 მეფე — ლომი ღრიალებს,
 თუკი ახლოს მიხვედი,
 თვალებს დაგიბრიალებს.
 კბილებს გააკრაჭუნებს,
 ტორებს დაჰკრავს გალიას,
 ჩვენ კი არა, დიდებსაც
 უშინიათ ძალიან.
 ახლოს არვის იკარებს,
 არავის სცნობს სრულიად,
 ამიტომაც თამაში
 ლომთან აკრძალულია.

**
 ლომის გვერდით ვეფხვია,
 ისიც მტაცებელია,
 სულ კატას ჰგავს, მედიკო,
 კატასავით ჭრელია.
 ვეფხვსაც, ლომის არ იყოს,
 სულ არ უყვარს ბავშვები,
 არც ვეფხვია, თუ მკითხავ,
 სახლში შემოსამვები.



**

შველის არ მეშინია,
ნინ ბალახი უყრია;
იქვე რომ დაკუნტრუმობს,
პანანინა ნუკრია.
შენ გგონია, ვეფხვივით,
მისვლის ნებას არ მომცემს?
ერთხელ მოვეფერე და
შიგ ტუჩებში ვაკოცე.
ვერ დატკბები ვერასდროს
შველის და ნუკრის ყურებით,
როგორა აქვთ, თუ იცი,
დაცქვეტილი ყურები!
ასე ნაზი ცხოველი
ზოოპარკში არც კია,
ჩვენს ბეკეკას ჩამოჰგავს,
მაგრამ უფრო კარგია.




**

დათუნია ყველას სჯობს,
ბანჯგვლიანი დათუნა,
მუდამ გვებურტყუნება
მე, დოდოს და ხათუნას.
ცეკვაც იცის, თუკი სთხოვ,
თუმცა თხოვნა რად უნდა,
— ტაში, ჩემო დათუნა!
— დაუარე, დათუნა!
ისე მიყვარს, მედიკო,
სულ მის ცქერას ვუნდები,
რამეს რომ არ მატკენდეს,
გულში ჩავეხუტები.



**
 როცა დავიქანცებით
 სირბილით და თამაშით,
 მოვუსხდებით მაგიდებს,
 ლამაზ ნიგნებს გადავშლით...
 რას იცინი, არ გჯერა?
 თუ არ გჯერა, იკითხე,
 იცი, გუშინ რა დიდი
 წიგნი გადავიკითხე?
 ეჰ, რას ნიშნავს, მედიკო,
 ჩვენს ბაღში რომ არა ხარ,
 ნეტავ ჩემი კითხვა და
 ანგარიში განახს!

!!!
 იქნებ ესეც არ გჯერა?
 აბა, ჰკითხე ნათიას,
 ორჯერ ორი ოთხია,
 ორჯერ ხუთი — ათია.
 ცხრა და ორი... დამაცა...
 ნიგნში როგორ წერია?
 ახლავ გამახსენდება
 ცხრა და ორი ბევრია...
 მიმატება, გაყოფა,
 გამრავლების წესები,
 ეს ხომ ვიცი, თუ გინდა,
 ახლა მკითხე ლექსები.




— „შემოდგომა“, „ზამთარი“
„სკოლის ზარი გვეძახის“
„ყვავო, ყვავო, ყვანჩალა“,
„თხამ შეჭამა ვენახი“...
სულ გამოთქმით ვისწავლე,
არა გჯერა, არა, ხომ?
გინდა გითხრა ზეპირად?
უჰ, თავიდან არ მახსოვს,
არ იფიქრო მინდოდეს,
შენთან თავის შექება.
სკოლაში რომ ვისწავლი,
სულ ხუთები მექნება.
ჩვენი ბაღის ამბები
რაც გითხარი, ეს იყო,
ნუთუ ამის შემდეგაც
არ ჩამოხვალ, მედიკო?
პასუხს ველი, მომწერე,
რას აკეთებ, სადა ხარ,
გახსოვს, იქ რომ დამპირდი:
„წერილს მოგწერ ხანდახან“.
თუკი წერა არ იცი,
მისთვის არ მწერ წერილებს,
აილე და ჩემსავით,
დედას დაანერინე.
მაგრამ, შენგან, დაიკო,
არაფერიც არ მომდის,
მომიკითხე ბოჩოლა,



უეჭველად ჩამოდი.
არ მოგაკლებ არაფერს
ცირკს, კინოში წაყვანას,
ათასჯერ და მრავალჯერ

გკოცნი, შენი მანანა.





სარჩევი

ქეთინო.....	4
მამალი.....	6
გოჭავი.....	7
ბაკაქა.....	8
ყვინჩილა.....	9
ფისო.....	10
თოჯინა.....	11
ეჭიმი.....	12
ავადმყოფი.....	13
საათი.....	14
ვერაღა.....	15
ქმური სამსახური.....	16
ქრუხი.....	17
სახლოვანა.....	18
ნოღარიკოს სტუმარი.....	19
ნაჰვის ხის სიმღერა.....	20
დღეობა.....	21
დედიკოს ვფიტავარ.....	22
ბურთი და ნიკორა.....	23
მელა და ქათამი.....	24
ია.....	25
ქალაქი და სოფელი.....	26
ფუტკარი.....	27
ქეთინო, გამოიტანი!.....	28
ბაზაფხულო, ლამაზო.....	29
საახალწლო.....	30
ღიმინათი.....	31
სათვალი.....	32
საწყალი ბაბუა.....	33
შაშვები.....	34
ფისო.....	35
აეტოტიტობრაფია.....	36
ჩოჩოტი.....	37
ბაბერი მწვერისა და ტრაბახა კურდღლის ბასაუბრება.....	38
ნემსი.....	39
ტელევიზორი.....	40
შეჯიბრი.....	41
მგელი, ბატკანი და მურია.....	42
ხანძროვანა.....	43
მანანა და ლალი.....	44



ნანა.....	46
ბალი.....	47
ზამთარი.....	48
სამღურავი.....	49
სტუმარ-მასპინძელი.....	50
ბიჭი, ძალი და გეგია.....	51
პრანჭიები.....	52
ვაი დედასა!.....	54
დათუნია.....	55
ლეღას და ნიშა ხარის გაბასება.....	56
ნოღარიკოს გასაჭირი.....	57
ქურდგაცაცა ბაჭია.....	58
მარვი.....	59
თაგვი.....	60
გუა.....	61
ლოთი.....	62
ხულიგანი.....	63
ნუგაში.....	64
ბაუზგარი ლექსი.....	65
ერთმა პატარა გელურამ.....	66
გუგულის საყვედური.....	67
ნამდვილი აბავი.....	68
მამუკა.....	69
ქურდის ქურდი.....	70
ქეთინოს გაფთები.....	72
სარფალი მეთევზე გავშეების სიმღერა.....	74
მღერინ თუშის ბიჭები.....	76
გაყაყისა და ქეთინოს გასაუბრება.....	78
იავნანა.....	79
ქეთინოს ვედრება გზისადგი.....	80
სილაგაზა.....	81
შაჯიბრება საღორიის ტყეში.....	82
ქვიცი.....	85
იხვი და მამალი.....	86
მანონი.....	87
დათუნის მოსაწვევი პარათი.....	88
არნივის გრძანება №1.....	90
გაჭაფხული.....	91
მანანას წერილი.....	92



ნოდარ დუმბაძე

აბა დელია დელია

საბავშვო ლექსები

მხატვარი

აკა გოიაშვილი

მთავარი რედაქტორი
ტექნიკური რედაქტორი
კორექტორი
კომპიუტერული
უზრუნველყოფა

მაია მალაციძე
ფერიდე ლაბაძე
ხათუნა კლაუ
გიორგი ჩიქვინიძე

საგამომცემლო სახლი „ტრიასი“
მის: თბილისი, რობაქიძის გამზირი 7.

ტელ: 51 52 06

[www. triasi.ge](http://www.triasi.ge)

E-mail: info@triasi.ge